



Broj: 01/07-04-3909/24  
Datum: 06.05.2024. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 46/06 i 51/09), člana 42. Statuta Grada Sarajeva („Službene novine Kantona Sarajevo“, broj 7/23) i člana 21. stav (2) Odluke o izvršavanju Budžeta Grada Sarajeva za 2024. godinu („Službene novine Kantona Sarajevo“, broj 55/23), gradonačelnica Grada Sarajeva raspisuje:

### **JAVNI POZIV**

za prijavu prijedloga projekata udruženja za podršku osobama s poteškoćama u razvoju i invaliditetom

#### **I PREDMET JAVNOG POZIVA**

Predmet Javnog poziva je dodjela finansijskih sredstava iz Budžeta Grada Sarajeva za 2024. godinu („Službene novine Kantona Sarajevo“, br. 55/23 i 13/24) za projekte udruženja za podršku osobama s poteškoćama u razvoju i invaliditetom.

#### **II FINANSIJSKA SREDSTVA**

Finansijska sredstva osigurana su u Budžetu Grada Sarajeva za 2024. godinu u ukupnom iznosu od 90.000,00 KM.

Sredstva će se dodjeljivati u rasponu od 7.000,00 KM do 15.000,00 KM po udruženju.

#### **III PRAVO PRIJAVE NA JAVNI POZIV**

Pravo prijave na Javni poziv imaju udruženja za podršku o osobama s poteškoćama u razvoju i invaliditetom, sa sjedištem na području četiri gradske općine Sarajevo: Stari Grad Sarajevo, Centar Sarajevo, Novo Sarajevo, Novi Grad Sarajevo.

Jedno udruženje može aplicirati samo jednim projektnim prijedlogom.

#### **IV OPĆI KRITERIJI**

- Registracija udruženja na nivou Kantona Sarajevo,
- Sjedište udruženja na području jedne od četiri gradske općine,
- Opravdana ranije korištena sredstva dodijeljena iz Budžeta Grada Sarajeva.

#### **V POSEBNI KRITERIJI**

- Projekti obezbjeđivanja pomagala osobama s poteškoćama u razvoju i invaliditetom,
- Projekti pružanja pomoći osobama s poteškoćama u razvoju i invaliditetom od strane drugog lica,
- Projekti koji imaju za cilj poboljšanje kvaliteta i dostupnosti inkluzivnog obrazovanja i socijalno uključivanje djece i odraslih osoba s poteškoćama u razvoju kroz realizaciju edukativnih i rekreativnih programa, programa unaprjeđenja socijalnih vještina, kao i programa unaprjeđenja kapaciteta i osposobljavanja osoba s invaliditetom.



## **VI DOKUMENTACIJA:**

1. Projektni prijedlog, potpisan i ovjeren od strane odgovornog lica Udruženja - Prilog 1,
2. Budžet projekta, potpisan i ovjeren od strane odgovornog lica Udruženja - Prilog 2,
3. Izjava da je Udruženje opravdalo ranije dodijeljena sredstva iz Budžeta Grada Sarajeva - ukoliko su dodijeljena (ovjeren od nadležnog organa - općina/notar),
4. Izjava da Udruženje nije bilo korisnik sredstva iz Budžeta Grada Sarajeva - ukoliko sredstva nisu dodijeljena Udruženju (ovjeren od nadležnog organa - općina/notar),
5. Rješenje o registraciji Udruženja (kopija ovjeren od nadležnog organa - općina/notar),
6. Izvod iz Registra udruženja, ne starije od tri mjeseca (original ili kopija ovjeren od nadležnog organa - općina/notar),
7. Statut Udruženja (kopija ovjeren od nadležnog organa - općina/notar),
8. Završni godišnji finansijski izvještaj Udruženja za prethodnu godinu (dokument Bilans stanja i Bilans uspjeha), ovjeren od strane nadležne Agencije za finansijsko poslovanje (FIA) i certificiranog računovođe (kopija ovjeren od nadležnog organa - općina/notar),
9. Ugovor ili potvrda banke o otvorenom bankovnom računu Udruženja (original ili kopija ovjeren od nadležnog organa - općina/notar).

## **VII ROK PODNOŠENJA PRIJAVE**

Krajnji rok za dostavljanje prijave je **06.06.2024. godine.**

## **VIII MJESTO I NAČIN PODNOŠENJA PRIJAVE**

Prijava na Javni poziv dostavlja se u zatvorenoj koverti direktno ili putem pošte na adresu:

### **GRAD SARAJEVO**

Ćemaluša 9  
71 000 Sarajevo  
s naznakom

### **JAVNI POZIV**

za prijavu prijedloga projekata udruženja za podršku  
osobama s poteškoćama u razvoju i invaliditetom

**- NE OTVARATI -**

Na poleđini zatvorene koverta navesti:

- naziv udruženja, adresu i kontakt telefon.

## **IX ODABIR KORISNIKA**

Pregled prijava i dokumentacije vršit će Komisija koju imenuje gradonačelnica posebnim rješenjem. Komisija će, nakon obrade i analize pristiglih prijava, gradonačelnici dostaviti listu odabranih udruženja s prijedlogom finansijskih sredstava na potvrđivanje i donošenje konačne odluke. Gradonačelnica Grada Sarajeva će s odabranim udruženjima zaključiti pojedinačne ugovore o realizaciji odobrenih sredstava. Lista odabranih udruženja objavit će se na službenoj web stranici Grada Sarajeva [www.sarajevo.ba](http://www.sarajevo.ba).

**GRADONAČELNICA**

**Prof. dr. Benjamina Karić**